

**ARTIGO 8.—USO DA TARXETA**

No suposto de que se detecte o uso indebido da tarxeta de xeito reiterado e debidamente probado, con independencia da sanción pecuniaria que no seu caso puidese recaer no procedemento sancionador incoado para tal efecto, a citada tarxeta será retirada durante un prazo de dous anos polo órgano que a outorgase.

*Disposición final*

A presente ordenanza entrará en vigor unha vez que sexa publicado integramente no BOP e transcorra o prazo de 15 días previsto no artigo 65.2 da Lei 7/1985 do 2 de abril.

Mondariz a 8 de Xullo do 2004.

**ANEXO I**  
**SOLICITUDE DE TARXETA**  
**DE ESTACIONAMENTO**

**DATOS DO SOLICITANTE**

D. .... maior de idade, con enderezo en..... teléfono..... titular do DNI nº.....

En nome do beneficiario..... con DNI.....

**E X P Ó N :**

- Que ten recoñecida a imposibilidade de uso do transporte público e así figura no certificado emitido polo equipo de valoración e orientación (EVO) correspondente.
- Que está recoñecido como minusválido (...%) pero non aparece expresamente recoñecido a imposibilidade de uso de transporte público polo EVO correspondente.
- Que ten graves problemas de mobilidade pero nonten a acondición de minusválido por non estar recoñecido polo EVO correspondente.
- Que son beneficiario dunha tarxeta de estacionamento concedida polo Concello de..... e xa se solicitou o traslado do expediente para este Concello.

**S O L I C I T A**

Que se lle expida tarxeta de estacionamento, segundo modelo establecido no Decreto 35/200 do 28 de xaneiro, polo que se aproba o Regulamento de execución da Lei de accesibilidade e supresión de barreiras na Comunidade autónoma de Galicia, comprometéndose a cumprir as normas que regulan a súa expedición.

En Mondariz a..... do..... do .....

Sinatura.

Sr. Alcalde-Presidente do concello de Mondariz.

**ANEXO II**  
**SOLICITUDE DE TARXETA**  
**DE ACCESIBILIDADE DE USUARIOS**

**DATOS DO SOLICITANTE**

D..... maior de idade, con enderezo en....., teléfono..... titular do DNI número.....

En nome de..... con DNI nº.....

**E X P Ó N**

- Que ten un grao de minusvalidez do .....%, acreditado mediante certificación da EVO.
- Que ten un grao de minusvalidez do .....%, pero non ten a certificación do mesmo emitida pola EVO correspondente.

**S O L I C I T A :**

Que se lle expida tarxeta de accesibilidade de usuario, segundo modelo establecido no Decreto 35/2000, do 28 de xaneiro, polo que se aproba o Regulamento e execución da Lei de Accesibilidade e supresión de barreiras na Comunidade Autónoma de Galicia, comprometéndose a cumprir as normas que regulan a súa expedición.

En Mondariz a..... do..... do.....

Sinatura.

Sr. Alcalde-Presidente do concello de Mondariz.

En Mondariz, a 29 de setembro de 2004.—O Alcalde, Julio Alén Montes. 8508

**E D I C T O**

Téndose elevado a definitivo o acordo adoptado en Pleno o 29 de Xullo de 2004 de aprobación inicial do expediente de modificación da Ordenanza Municipal reguladora da tenza de animais potencialmente perigosos, o non presentarse reclamacións no prazo de 30 días, e dando cumprimento ó disposto polo artigo 70.2) da Lei 7/85, Reguladora das Bases do Réxime Local, faise público o seu texto íntegro, que é o seguinte:

**ORDENANZA MUNICIPAL REGULADORA**  
**DA TENZA DE ANIMAIS POTENCIALMENTE**  
**PERIGOSOS**

**CAPÍTULO I**  
**DISPOSICIÓN XERAIS**

**ARTIGO 1º.—OBJECTO**

1.—A presente Ordenanza ten por obxecto a regulación da concesión e renovación das licencias administrativas para tenza de animais potencialmente perigosos, a regulación do rexistro municipi-

pal de animais potencialmente perigosos, os que se refire o Decreto 90/2002, de 28 de Febreiro, polo que se regula a Tenza de animais potencialmente perigosos na Comunidade Autónoma de Galicia, así como a regulación do Rexistro Municipal de Animais potencialmente perigosos e a inscrición na sección local do Rexistro Galego de Animais de Compañía.

2.—Asemade, crease a Sección Local do rexistro Galego de Identificación de Animais de Compañía e Potencialmente Perigosos (REGIAC), que conterà a información referente ós animais de compañía residentes no concello, que se remita desde o REGIAC.

3. Quedan excluídos da aplicación da presente Ordenanza os cans e animais pertencentes ás Forzas Armadas, Forzas e Corpos de Seguridade do Estado, Corpos de Policía das Comunidades Autónomas, Policía Local e empresas de Seguridade con autorización oficial.

*ARTIGO 2º.—DEFINICION DE ANIMAL  
POTENCIALMENTE PERIGOSO*

1.—Considéranse animais potencialmente perigosos, no ámbito territorial da Comunidade Autónoma de Galicia, todos aqueles que pertencendo á fauna autóctona ou alóctona, independentemente da súa condición, natureza, especie ou raza á que pertencen, e convivindo no contorno humano como animais domésticos ou de compañía, sexan susceptibles de ocasionar a morte, ou lesións ás persoas ou a outros animais, ou de producir danos de certa entidade ás cousas.

2.—No caso concreto dos cans, entenderase por potencialmente perigosos aqueles nos que concorran calquera das condicións seguintes:

- a) Cans que tiveran algún episodio de agresión a persoas ou ataques de certa entidade a animais ou ás cousas.
- b) Cans que foran adestrados para a garda e defensa.
- c) Cans que polas súas características raciais puidesen ser aptos para o adestramento, para a garda e defensa, e en concreto, os pertencentes ás razas seguintes: American Staffshire Terrier, Pit Bull Terrier, Bullmastif, Doberman, Dogo Arxentino, Dogo de Bordeos, Dogo do Tíbet, Fila Brasileiro, Mastín Napolitano, Presa Canario, Presa Mallorquino (Ca de Bou), Rottweiler, Staffshire Bull Terrier, Tosa Inu e Akita Inu. Tamén serán considerados neste apartado os cruces en primeira xeración destes, cruces destas razas entre si ou cruces destes con outras razas, obtendo unha tipoloxía similar a algunha das razas anteriormente descritas.

- d) Cans que manifesten unha marcada agresividade natural ou inducida mediante adestramento, malos tratos ou calquera outro medio. A dita agresividade será apreciada pola autoridade competente da Consellería de Medio Ambiente, de oficio ou logo de notificación ou denuncia, e logo de informe dun adestrador ou veterinario designado para o efecto.

**CAPÍTULO II  
DA LICENCIA MUNICIPAL**

*ARTIGO 3º.—LICENCIA MUNICIPAL*

1.—A tenza de animais potencialmente perigosos requirirá a obtención, con carácter previo á adquisición do animal, da correspondente licenza municipal, que se expedirá no concello de residencia habitual do propietario.

2.—Nos supostos previstos no apartado 2.a) do artigo 2º, o titular do can disporá do prazo dun mes para solicitar a licenza administrativa, a contar desde a resolución dictada para tales efectos.

3.—Nos supostos previstos no apartado 2.d) do artigo 2, o concello comunicará os feitos á autoridade competente da Consellería de Medio Ambiente, xuntando os informes esixidos no dito apartado, debidamente motivados. No caso de que se dictara resolución apreciando agresividade, o titular disporá do prazo dun mes, a contar desde a súa notificación, para solicitar a licenza administrativa.

*ARTIGO 4º.—ÓRGANO COMPETENTE  
PARA A CONCESIÓN DA LICENCIA*

Tramitado o expediente conforme ó disposto na Lei 30/1992, do 26 de novembro, de réxime xurídico das administracións públicas e do procedemento administrativo común modificada pola Lei 4/1999, do 13 de xaneiro, concederase a licenza e o número correspondente da mesma, mediante resolución do órgano que teña atribuída a competencia.

*ARTIGO 5º.—REQUISITOS E DOCUMENTACIÓN  
PARA A OBTENCIÓN DA LICENCIA  
MUNICIPAL*

1.—Para a obtención da licenza municipal será necesario o cumprimento dos seguintes requisitos:

- a) Ser maior de idade. Acreditarase mediante fotocopia do DNI ou do pasaporte.
- b) Non ter sido condenado por delitos de homicidio, lesións, torturas, contra a liberdade ou contra a integridade moral, a liberdade sexual e a saúde pública, de asociación con banda armada ou de narcotráfico, así como non estar privado por resolución xudicial do dereito á tenza de animais potencialmente perigosos. Acreditarase mediante certificado de antecedentes penais.

- c) Non ter sido sancionado por infracción graves ou moi graves con algunha das sancións accesorias das previstas no apartado 2 do artigo 13 da Lei 50/1999, do 23 de decembro, sobre o réxime xurídico da tenza de animais potencialmente perigosos. Non obstante, non será impedimento para a obtención ou, no seu caso, renovación da licenza, ter sido sancionado coa suspensión temporal da mesma, sempre que, no momento da solicitude, a sanción de suspensión anteriormente imposta fora cumprida integramente. Acreditarase mediante certificado negativo expedido pola Consellería de Medio Ambiente.
- d) Dispoñer de certificado de capacidade física e aptitude psicolóxica para a tenza de animais potencialmente perigosos, expedido polo director dun centro médico-psicotécnico debidamente autorizado, conforme se recolle nos artigos 4º, 5º e 6º do RD 287/2002, do 22 de marzo.
- e) Acreditación de ter formalizado un seguro de responsabilidade civil por danos a terceiros que poida causa-lo animal, cunha cobertura mínima de 125.000 euros. Este seguro deberá renovarse anualmente. Acreditarase mediante presentación de copia da póliza de seguro claramente detallada ou certificado da compañía aseguradora.

**ARTIGO 6º.—VIXENCIA E RENOVACIÓN DAS LICENCIAS**

1.—As licencias terán unha vixencia de cinco anos. Transcorrido este período deberán ser obxecto de renovación, por período de igual duración, mediante a presentación da mesma documentación esixida para a súa obtención e sinalada no artigo anterior.

2.—A licenza perderá a súa vixencia no momento no que o seu titular deixe de cumprir calquera dos requisitos establecidos no artigo anterior.

**ARTIGO 7º.—ACREDITACIÓN DA LICENCIA**

A tenencia da licenza municipal acreditarase mediante a entrega dunha copia da resolución do expediente administrativo iniciado a solicitude do interesado, e mediante a entrega dunha tarxeta acreditativa expedida polo Concello, onde se fagan constar os seguintes datos:

- Número da licenza municipal.
- Código de identificación do can.
- Data de resolución do expediente de solicitude da licenza.
- Data de caducidade da vixencia da licenza.
- Nome e apelidos do titular.
- DNI do titular.

- Enderezo do titular.
- Fotografía actualizada do titular.
- Selo do concello.

**ARTIGO 8º.—REVISIÓN E REVOGACIÓN DA LICENCIA**

1.—Calquera variación dos datos que figuran na licenza deberá ser comunicada polo seu titular no prazo de 15 días, contados desde a data en que se produza, ó órgano competente do concello ó que corresponda a súa expedición, para que se proceda a realiza-la revisión correspondente.

2.—A perda polo titular de calquera dos requisitos esixidos no artigo 5º, dará lugar á revogación da licenza municipal outorgada, previa tramitación de expediente contradictorio.

A revogación da licenza dará lugar á perda do dereito á tenza do animal. O propietario procederá, no prazo máximo de quince días, á entrega do animal a un novo propietario que posúa licenza en vigor. De non atoparse un novo propietario no prazo referido, farase entrega do animal no centro de recollida de animais vagabundos ou abandonados dependente do concello, respectando en todo momento o disposto na Lei 1/1993, do 13 de abril, e nos artigos 53 ó 60 do Decreto 153/1998, do 2 de abril, que a desenvolve.

**CAPÍTULO III DO REXISTRO MUNICIPAL**

**ARTIGO 9º.—REXISTRO MUNICIPAL DE ANIMAIS POTENCIALMENTE PERIGOSOS**

1.—Créase o Rexistro Municipal de Animais Potencialmente Perigosos, no que se inscribirán os animais potencialmente perigosos que teñan a súa residencia habitual no concello.

2.—O Rexistro terá un tratamento informatizado, no que se farán constar, de conformidade co disposto no artigo 4.2 do Decreto 90/2002, do 28 de febreiro, como mínimo, os seguintes datos:

- A) Datos do animal:
- Número de microchip.
  - Nome do animal.
  - Especie.
  - Raza (no caso de cans).
  - Sexo.
  - Características externas (descrición da capa, tipo e cor da pel, etc.).
  - Data de nacemento.
  - Aptitude (función do animal): compañía, garda, defensa, caza etc.
  - Causa de inclusión no rexistro (sinalar supostos do artigo 2.2 do Decreto 90/2002).
  - Enderezo habitual do animal.

- Data de adquisición do animal.
- Forma de adquisición do animal (cría, doazón, traspaso, venda, outras: especificar).
- Observacións.
- B) Datos do propietario, posuidor ou tenedor:
  - DNI.
  - Apelidos.
  - Nome.
  - Enderezo habitual.
  - Teléfonos de contacto.
  - Licencia administrativa: número de licencia, data de expedición e concello de expedición.

3.—A identificación definitiva con microchip dos animais potencialmente perigosos é obrigatoria sen excepcións. A identificación con microchip de tódolos cans, independentemente da súa raza ou condición, será obrigatoria a partir do 2 de xullo de 2003, tal e como se recolle na disposición transitoria segunda do Decreto 90/2002, do 28 de febreiro.

4.—O Rexistro Municipal de Animais Potencialmente Perigosos é un rexistro de carácter público, ó que terá acceso as Administracións Públicas e autoridades competentes, así como aquelas persoas físicas ou xurídicas que acrediten ter interese lexítimo no coñecemento dos datos obrantes no mesmo. En todo caso, o uso e tratamento dos datos contidos no Rexistro será conforme ó disposto na Lei Orgánica 15/1999, de protección de datos persoais.

#### ARTIGO 10º.—INSCRICIÓN NO REXISTRO

1.—Os titulares da licencia administrativa están obrigados a efectuar a inscrición do animal no Rexistro Municipal do concello de residencia habitual do animal, no prazo de 15 días contados a partir da obtención da licencia, tal e como se recolle no artigo 6.2º da Lei 50/1999, do 23 de decembro, e no artigo 4.1º do Decreto 90/2002, do 28 de febreiro.

2.—Tamén será obrigatoria, a instancia do propietario, a inscrición do animal no Rexistro Municipal do concello correspondente cando se efectúe o traslado dun concello a outro por período superior a tres meses.

3.—Conforme se dispón no artigo 4.3º do Decreto 90/2002, do 28 de febreiro, os datos recollidos no rexistro municipal serán remitidos á Consellería de Medio Ambiente, no prazo máximo de 15 días, contados desde o momento da inscrición dun animal potencialmente perigoso.

#### ARTIGO 11º.—ACREDITACIÓN DA INSCRICIÓN NO REXISTRO MUNICIPAL DE ANIMAIS POTENCIALMENTE PERIGOSOS

A inscrición no rexistro acreditarase mediante entrega dunha copia da resolución do expediente administrativo iniciado a solicitude do interesado e mediante entrega dunha tarxeta acreditativa, ta-

maño carné, expedida polo concello, onde se fagan constar os seguintes datos:

- Número do microchip e data de alta do animal no rexistro municipal.
- Nome, especie, raza, sexo, capa e data de nacemento do animal.
- Enderezo do animal.
- Nome e apelidos do propietario.
- Licencia do propietario (número, data de expedición, concello).
- DNI do propietario.

#### ARTIGO 12º.—BAIXA NO REXISTRO MUNICIPAL DE ANIMAIS POTENCIALMENTE PERIGOSOS

1.—A baixa no Rexistro Municipal de Animais Potencialmente Perigosos efectuarase a instancia do interesado, previa acreditación da morte do animal (esta última certificada por veterinario ou autoridade competente).

2.—Igualmente procederase á baixa no Rexistro no caso de traslado de residencia habitual do animal a municipio distinto, que así quede acreditado a instancia do interesado. Neste caso o propietario deberá dar de alta ó animal no novo concello de residencia.

3.—A perda ou subtracción do animal, por un prazo superior a tres meses, considerarase baixa definitiva do animal no Rexistro.

4.—Farase constar no Rexistro como de titularidade municipal aqueles animais depositados no centro de recollida de animais vagabundos ou abandonados dependente do concello, como consecuencia da recollida dos mesmos da vía pública, que carezan de dono ou que sendo este identificado non o reclamase no prazo de 10 días do aviso efectuado, conforme o previsto no artigo 53 do Decreto 153/1998, do 2 de abril. Así mesmo, constatarán como de titularidade municipal os que foran obxecto de comiso definitivo ó propietario.

#### ARTIGO 13º.—COMUNICACIÓNS DO PROPIETARIO DE ANIMAL O REXISTRO MUNICIPAL DE ANIMAIS POTENCIALMENTE PERIGOSOS

1.—O propietario do animal deberá comunicar ó Rexistro calquera variación dos datos que figuran nel, no prazo de 15 días desde que se producise a modificación.

2.—Deberá comunicarse ó rexistro municipal a venda, traspaso ou doazón do animal.

3.—Calquera incidente producido por animais potencialmente perigosos ó longo da súa vida, coñecidos polas autoridades administrativas ou xudiciais, faranse constar na folla rexistral de cada animal, tal e como se recolle no artigo 6.4º da Lei 50/1999, do 23 de decembro. No caso de agresións recollerase como mínimo, a seguinte información:

data da denuncia, descrición dos feitos e consecuencias xurídicas.

4.—A subtracción ou perda do animal deberá ser comunicada polo titular do animal ó Rexistro Municipal, no prazo máximo de 48 horas desde que se teña coñecemento destes feitos, tal e como se recolle no artigo 8.6º do RD 287/2002, do 22 de marzo.

5.—Os propietarios de animais potencialmente perigosos deberán comunicar ó Rexistro a realización de castración ou esterilización do animal, se ista se producise, remitindo copia da certificación veterinaria correspondente que acredite este feito.

#### CAPÍTULO IV

##### SECCIÓN LOCAL DO R.E.G.I.A.C.

###### *ARTIGO 14º.—SECCIÓN LOCAL DO REXISTRO GALEGO DE IDENTIFICACIÓN DE ANIMAIS DE COMPAÑÍA E POTENCIALMENTE PERIGOSOS (REGIAC)*

1.—Ó amparo dos principios de lealdade institucional, cooperación e colaboración previstos no artigo 4º da Lei 30/1992, do 26 de novembro, crease a Sección Local do Rexistro Galego de Identificación de Animais de Compañía e Potencialmente Perigosos, que nutrirase cos datos remitidos polo REGIAC, dependente da Consellería de Medio Ambiente.

2.—Cos datos contidos nesta Sección formarase, a data 31-12 de cada ano, o Censo ó que se refire o artigo 27º do Decreto 153/1998, do 2 de abril.

#### CAPÍTULO V

##### CIRCULACIÓN E PERMANENCIA DO CAN EN VÍAS PÚBLICAS E LOCAIS

###### *ARTIGO 15º.—CIRCULACIÓN E PERMANENCIA DUN CAN POTENCIALMENTE PERIGOSO EN VÍAS PÚBLICAS E LOCAIS*

1.—Os propietarios, criadores ou posuidores deberán manter os animais que estean baixo a súa custodia en axeitadas condicións hixiénico-sanitarias e cos cuidados e atencións necesarios de acordo coas necesidades fisiolóxicas e características propias da especie ou raza do animal, en cumprimento da Lei 1/1993, do 13 de abril e do Decreto 153/1998, do 2 de abril, en concreto nos seus capítulos IV, VII e X.

2.—A presenza de animais potencialmente perigosos en lugares ou espazos públicos esixirá que a persoa que os conduza e controle, leve consigo a licenza municipal e a certificación acreditativa da inscrición do animal no Rexistro Municipal de Animais Potencialmente Perigosos.

3.—Os cans potencialmente perigosos, en lugares e espazos públicos, deberá levar obrigatoria-

mente buceiro apropiado para a tipoloxía racial de cada animal.

4.—Os cans potencialmente perigosos deberán ser conducidos e controlados con cadea ou correa non extensible de menos de 2 metros, sen que poida levarse máis dun destes cans por persoa.

5.—Os cans aula poderán circular libremente nos transportes públicos urbanos, sempre que vaian acompañados polo seu dono e cumpran as condicións hixiénicas, sanitarias e de seguridade que preven as ordenanzas.

6.—Queda expresamente prohibida a entrada ou estancia de animais domésticos en toda clase de locais destinados a fabricación, almacenamento, transporte, venda ou manipulación de alimentos.

7.—Queda asemade prohibida a entrada ou estancia de animais domésticos en restaurantes, bares, cafeterías e similares.

8.—Prohíbese a circulación ou estancia de cans e outros animais nas piscinas públicas locais de espectáculos públicos, deportivos e culturais e nos recintos escolares.

9.—Quedan exentos das prohibicións anteriores os cans guía que acompañen a persoas invidentes.

10.—Queda prohibido deixar as deposicións fecháis dos cans nas vías públicas. Os propietarios dos cans son responsables de recoller convenientemente os excrementos e depositalos ou ben en bolsas de basura domiciliaria, ou ben naqueles lugares que a autoridade municipal destine expresamente a esta finalidade.

11.—Queda expresamente prohibido que os cans accedan ás zonas de xogo infantil das prazas e parques do municipio.

12.—Prohíbese lavar animais na vía pública e fontes, así coma darlles de beber auga amourados as billas das fontes públicas.

#### CAPÍTULO VI

###### *ARTIGO 16º.—CANS POTENCIALMENTE PERIGOSOS ABANDONADOS OU VAGABUNDOS*

1.—A Administración local é responsable da recollida e mantemento dos animais vagabundos ou abandonados, segundo se recolle no artigo 11.1º da Lei 1/1993, do 13 de abril, e no artigo 54º do Decreto 153/1998, do 2 de abril.

2.—Os animais recollidos serán trasladados e mantidos en centros de recollida de animais vagabundos ou abandonados autorizados e rexistrados. As instalacións destinadas a albergar cans potencialmente perigosos deberán reuni-las medidas de seguridade necesarias para evita-las fuxidas sen producir danos ós animais.

3.—Os prazos de estadía previstos serán os que se dan para tódolos individuos da especie canina e

que veñan reflectidos nos artigos 53, 57 e 58 do Decreto 153/1998, do 2 de abril.

4.—Estes animais poderán ser cedidos en adopción sempre e cando o novo propietario posúa a licenza administrativa correspondente, e o can supere as probas de socialización que demostren que o animal non é perigoso para a seguridade das persoas.

## CAPÍTULO VII INFRACCIÓNS E SANCIÓNS

### ARTIGO 17º.—INFRACCIÓNS

1.—En materia de infracción e sanción rexerá o disposto na Lei 50/1999, do 23 de decembro, sobre réxime xurídico da tenza de animais potencialmente perigosos e na Lei 1/1993, do 13 de abril, de protección de animais domésticos e salvaxes en cativeiro.

2.—As infraccións que se cometan contra o disposto nesta Ordenanza clasifícanse como moi graves, graves e leves.

3.—Terán a consideración de infraccións administrativas moi graves, as previstas no artigo 13.1º da Lei 50/1999, do 23 de decembro, así como as establecidas no artigo 22º da Lei 1/1993, do 13 de abril.

4.—Terán a consideración de infraccións administrativas graves as previstas no artigo 13.2º da Lei 50/1999, do 23 de decembro, así como as establecidas no artigo 21º da lei 1/1993, do 13 de abril.

5.—Son infraccións administrativas leves as previstas no artigo 13.4º da Lei 50/1999, do 23 de decembro, así como as establecidas no artigo 20º da lei 1/1993, do 13 de abril.

### ARTIGO 18º.—SANCIÓNS

1.—As infraccións tipificadas no artigo anterior serán sancionadas con multas con contías que serán as fixadas no artigo 13.5º da lei 50/1999, do 23 de decembro, e no artigo 24º da Lei 1/1993, do 13 de abril.

2.—En todo caso, as infraccións graves e moi graves tipificadas no artigo anterior desta Ordenanza, poderán levar aparelladas como sancións accesorias á confiscación, comiso, esterilización ou sacrificio dos animais potencialmente perigosos, a clausura do establecemento e a suspensión temporal ou definitiva da licenza de animais potencialmente perigosos ou do certificado de capacitación do adestrador.

### ARTIGO 19º.—RESPONSABLE

Considéranse responsables das infraccións os que por acción ou omisión participaran na comisión das mesmas, o propietario ou posuidor dos animais ou, no seu caso, o titular do establecemento, local ou

medio de transporte no que se produzan os feitos, e neste último suposto, asemade, o encargado do transporte.

### ARTIGO 20º.—PROCEDEMENTO SANCIONADOR

O procedemento sancionador aplicable rexerá polo establecido na Lei 50/1999, do 23 de decembro, a Lei 1/1993, do 13 de abril, así como a Lei 30/1992, do 26 de novembro e as normas que as desenvolven.

### ARTIGO 21º.—EXERCICIO DA POTESTADE SANCIONADORA

1.—Os órganos competentes para sancionar, de acordo cos artigos 24.2º da lei 1/1993, do 13 de abril, serán:

- a) Por infraccións leves, o Alcalde.
- b) Por infraccións graves, o Director Xeral de Conservación da Natureza da Consellería de Medio Ambiente.
- c) Por infraccións moi graves, o Conselleiro de Medio Ambiente.

2.—A incoación e tramitación dos expedientes polas infraccións tipificadas como leves correspóndelle ó Concello. Non obstante, o Alcalde poñerá en coñecemento, de xeito que faga fe, do Director Xeral de Conservación da Natureza da Consellería de Medio Ambiente, toda acción ou omisión que poida ser tipificable como infracción grave ou moi grave.

3.—Cando as circunstancias de perigo así o aconsellen, o Alcalde poderá proceder á retirada ou custodia dun animal potencialmente perigoso, a cargo do propietario, como medida de carácter provisional durante a tramitación dun expediente sancionador.

## DISPOSICIÓN FINAL

A presente Ordenanza entrará en vigor ós quince días da súa publicación íntegra no Diario Oficial da Provincia, de conformidade e co disposto nos artigos 65.2 e 70 da Lei 7/1985, do 2 de abril, continuando en vigor ata a súa derogación expresa polo Concello.

8504

## E D I C T O

Téndose elevado a definitivo o acordo adoptado en Pleno o 29 de Xullo de 2004 de aprobación inicial da Ordenanza Xeral reguladora das subvencións do Concello de Mondariz o non presentarse reclamacións no prazo de 30 días, e dando cumprimento ó disposto polo artigo 70.2) da Lei 7/85, Reguladora das Bases do Réxime Local, faise público o seu texto íntegro, que é o seguinte: